



JABATAN PERKHIDMATAN VETERINAR

LAPORAN PEMANTAUAN MEDIA

8 JANUARI 2025 (RABU)

Anjing Liar Ancam Keselamatan Penduduk, Ternakan

MEDIA	RUANGAN	MUKA SURAT	TARIKH
Utusan Malaysia	Dalam Negeri	33	8 Jan

Anjing liar ancam keselamatan penduduk, ternakan

BACHOK: Lebih 2,000 penduduk Kampung Baru, Beris Lalang, di sini, resah dengan kehadiran anjing-anjing liar yang mengancam keselamatan keluarga dan haiwan ternakan mereka sejak tiga bulan lalu.

Mereka mendakwa kerugian beribu ringgit apabila lembu, biri-biri dan ayam dibaham kawanan anjing liar yang datang

dari pusat pelupusan sampah berdekatan.

Seorang penduduk, Zulfiyar Azri Nizam Zakaria, 32, berkata, paling membimbangkan adalah keselamatan anak-anak kecil bermain di luar rumah.

"Sembilan ekor biri-biri saya mati dibaham manakala sebahagian lagi menjadi makanan anjing liar. Kini kandang biri-bi-

ri tinggal kosong. Saya kerugian lebih RM4,000. Kawanan anjing liar turut menceroboh ke dalam kandang terutama pada waktu tengah malam," katanya ketika ditemui *Utusan Malaysia*, di sini, semalam.

Zulfiyar berkata, paling membimbangkan ialah keselamatan anak-anak kecil yang sentiasa dipantau supaya tidak berlegar

di luar rumah kerana kawanan anjing tetap datang pada waktu siang.

"Anjing turut mengorek tanah untuk makan bangkai ternakan yang ditanam. Saya sudah menghubungi pihak berkuasa tempatan (PBT) untuk tindakan lanjut namun tiada sebarang maklum balas diterima," katanya.

Seorang lagi penduduk, Azie Rogayah Zakaria, 67, berkata, anak lembu dan ayam kampongnya turut dibaham anjing liar menyebabkan dia tawar hati untuk menternak.

"Saya tambah lembu di belakang rumah namun tetap kerugian bila kawanan anjing datang melapah dagingnya pada waktu tengah malam," katanya.

200 Anjing Liar dikembiri Untuk Kawal Populasi

MEDIA	RUANGAN	MUKA SURAT	TARIKH
Utusan Malaysia	Dalam Negeri	34	8 Jan



SEORANG doktor melakukan pembedahan kembiri ke atas seekor anjing liar sempena Program Kembiri Anjing Liar Majlis Bandaraya Johor Bahru di Dewan Raya Taman Perling, Johor Bahru, semalam.

200 anjing liar dikembiri untuk kawal populasi

JOHOR BAHRU: Sebanyak 200 anjing liar yang ditangkap di sekitar kawasan Majlis Bandaraya Johor Bahru (MBJB) dikembiri bagi mengawal populasi haiwan itu.

Pengarah Kesihatan MBJB, Dr. Aslinda Salikin berkata, seekor haiwan itu ditangkap di beberapa kawasan perumahan dan perindustrian susulan aduan awam yang diterima menerusi pelbagai platform media sosial.

Katanya, anjing tersebut turut diberikan ubat kutu serta vaksin rabies sebelum diberikan kepada pertubuhan bukan kerajaan (NGO) yang berminat bagi tujuan penjagaan.

"Pihaknya turut menerima tajaan berjumlah RM142,000 daripada pihak swasta bagi menyokong program itu, berupa makanan, ubat kutu serta vaksin yang diperlukan.

"MBJB bersama Social Hero Foundation (SHF) dan Vet Partners Malaysia akan melaksanakan empat siri Program Kembiri Anjing Liar pada tahun ini dengan sasaran keseluruhan sebanyak 1,000 ekor haiwan itu melalui prosedur tersebut.

"Diharapkan kerjasama ini dapat membantu MBJB bagi mengurus dan mengawal populasi anjing liar di kawasan MBJB secara lebih efisien, berperikemanusiaan dan lestari," katanya ketika ditemui di Dewan Raya Taman Perling, di sini semalam.

Program SHF, Delaney Rodriguez.

Anjing Liar Serang Ternakan, Penduduk Rugi Ribuan Ringgit

MEDIA

Sinar Harian

RUANGAN

Nasional

MUKA SURAT

21

TARIKH

8 Jan



Masykuri menunjukkan lubang yang digali anjing liar untuk masuk ke kandang kambingnya.

Anjing liar serang ternakan, penduduk rugi ribuan ringgit



Antara kambing peliharaan Masykuri yang mati akibat diserang anjing liar.

kambing biri-biri peliharaan saya menjadi sasaran anjing-anjing liar ini menyebabkan saya terus mengalah dan berhenti memelihara kambing tersebut.

"Saya sendiri tak pasti mengapa kambing biri-biri menjadi sasaran mungkin rasa dagingnya lebih sedap," ujarnya.

Menurut Azmi, selain kambing biri-biri banyak lagi ternakannya yang lain menjadi mangsa anjing liar antaranya ayam, angsa dan itik.

Seorang lagi penternak, Adam Kassim, 65, berkata, kumpulan anjing liar itu akan aktif memburu selepas jam 12 tengah malam.

"Boleh dikatakan setiap malam berlaku serangan anjing liar ini. Jam 12 tengah malam anjing ini akan mencari mangsa.

"Waktu siang kebanyakan anjing ini duduk dalam semak dan kebun kelapa sawit. Haiwan ini juga akan bergerak secara berkumpulan, terdapat dalam lapan hingga sembilan ekor dalam satu kumpulan.

"Secara keseluruhan terdapat kira-kira 30 ekor anjing liar yang berkeliaran di kawasan ini," jelasnya.

Wan Muhammad Suhaidin, 43, pula berkata, pada peringkat awal, jumlah anjing liar di kawasan itu beberapa ekor sahaja, namun pembiakannya yang cepat menyebabkan jumlahnya bertambah.

"Bukan hanya itik, ayam dan kambing tetapi anak lembu dan anak kerbau yang baru lahir juga menjadi mangsa anjing ini.

"Saya tidak menolak kemungkinan haiwan itu kekurangan sumber makanan sehingga menyerang ternakan lain.

"Kita bimbang, jika semua sumber makanan anjing ini telah habis, tidak mustahil ia akan menyerang manusia terutama kanak-kanak yang berjalan pergi dan balik sekolah," katanya.

Penduduk di Kampung Alor Perai, dekat Kuala Besut, Besut diselubungi kebingungan berikutan masalah kumpulan anjing liar yang mengancam serta menyerang haiwan ternakan.

Berdasarkan perkongsian penduduk, lebih 100 ekor ternakan mati diserang haiwan itu dalam tempoh dua tahun kebelakangan ini, menyebabkan penternak menanggung kerugian mencecah ribuan ringgit.

Menerusi Apa Khabar Rakyat kali ini, wartawan Sinar Harian, NORHASPIDA YATIM menyingkap luahan penduduk di sebalik masalah yang membelenggu mereka di kawasan berkenaan.

ANCAMAN anjing liar semakin berleluasa sejak dua bulan lalu menyebabkan penduduk di kawasan itu terpaksa mencari pelbagai inisiatif bagi memastikan haiwan peliharaan selamat.

Seorang penduduk, Masykuri Ngah, 44, berkata, dia mengambil inisiatif membina pagar baharu untuk menyelamatkan ternakannya.

"Selepas tiga kali kambing peliharaan saya mati diserang anjing liar hujung Oktober tahun lalu, saya bina pagar baharu untuk menyelamatkan ternakan kerana anjing-anjing ini biasanya memburu ternakan pada waktu malam dengan menyelinap masuk ke dalam kandang.

"Hampir RM10,000 dibelanjakan untuk membina pagar baharu yang lebih kukuh dan ia siap pada November tahun lalu," katanya ketika ditemui Sinar Harian, di sini baru-baru ini.



MASYKURI



ADAM



WAN MUHAMMAD

Gesa tindakan segera atasi serangan anjing liar

PENGERUSI Jawatankuasa Pembangunan dan Keselamatan Kampung (JPKK) Kampung Kayu Kelat, Kuala Besut, Shaari A Rahman berkata, peningkatan jumlah anjing liar di kawasan itu membimbangkan dan aduan berhubung masalah tersebut telah dilaporkan kepada Majlis Daerah Besut (MDB).

"Pihak MDB telah datang ke kawasan terbabit untuk melihat secara lebih dekat keadaan di situ.

"Beberapa tindakan juga telah diambil seperti memasang perangkap dan sebagainya, namun, masalah itu masih gagal

ditangani.

"Anjing-anjing ini hidup secara berkumpulan dan membiak dengan cepat menyebabkan populasinya meningkat dalam tempoh yang singkat," ujarnya.

Tambah Shaari, tindakan diambil pihak MDB bagi memastikan haiwan ternakan dilindungi turut berdepan dengan cabaran antaranya oleh kumpulan pencinta haiwan.

"Golongan pencinta haiwan marah kerana tindakan diambil terhadap seekor anjing liar sedangkan mereka tidak sedar



SHAARI



TENGKU ZAIHAN

sudah berapa banyak ternakan komuniti di kawasan itu mati diserang anjing liar," kongsinya.

Sementara itu, Pengerusi Penyelaras UMNO DUN Kuala

Besut, Tengku Zaihan Che Ku Abd Rahman berkata, pihak berwajib perlu mengambil tindakan berkesan bagi mengatasi masalah itu.

"Pihak berwajib perlu mencari solusi yang berkesan dalam menangani masalah ini kerana kehadiran anjing liar itu telah menyebabkan pelbagai bentuk gangguan.

"Kita bimbang, jika populasi haiwan ini gagal dikawal, ia akan mendatangkan lebih banyak masalah termasuk mengancam nyawa manusia," ujarnya.

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR